

Universitätsbibliothek Paderborn

Cursus Theologico-Moralis

Ad usum Tyronum elucubratus, Et in Quotidianis Prælectionibus
Quoad ea, quæ Moralis Theologia disputat de Legibus, de Præceptis
Decalogi, de Restitutione, ac de Contractibus

Viva, Domenico

Patavii, 1723

Art. III. De Conductione famulorum, & aliorum Officialium.

urn:nbn:de:hbz:466:1-40673

nem , quando est magna sterilitas , non obligat ad pensionem augendam , quando est magna ubertas , & jus naturale fert , ut neque ob ubertatem augeatur , neque ob sterilitatem pen-
sio minuatur .

ARTICULUS III.

De Conductione famulorum , & alio-
rum Officialium .

I. *Stipendium iustum famulorum , & si-
milium operariorum est , quod dari
isdem communiter consuevit ; itaut
decrescat , quando est illorum copia ,
aut quando cum famulatu conjun-
guntur alii honores , & lucra .*

II. *Qui liberaliter alicui voluit inser-
vire , nequit labores sibi compensa-
re .*

III. *Si ulro quis se offerat ad inservi-
endum domino , qui illo non indi-
get , satis est , quod habeat alimen-
ta : At si illo indiget dominus , hic
tenetur dare illi stipendium aliquan-
to minus consueto iusto .*

IV. *Pueris honorariis , quando pretium
non est taxatum , dari solet in re-
tributionem victus , vestitus , ac bo-
na educatio , itaut deinde promo-
veantur .*

V. *Qui Episcopis inserviunt , nequeunt
citra simoniam velle obligare illos
ad conferenda sibi Beneficia : Com-
pensari tamen solent eorum ob-
sequia victus , vestitus , & nonnullis
stipendiis , nisi censeantur ea remit-
tere .*

VI. *Famuli , qui necessitate coacti paci-
scuntur de pretio injusto , quando-
nam possint occulta compensatione
nisi ?*

VII. *Num teneatur ad restitutionem Sa-
cerdos , qui necessitate coactus pro-
mittit duo Sacra pro uno stipendio
consueto , & deinde unum tantum
Sacrum offert ?*

VIII. *Famulo per unam ; aut alteram
hebdomadam agrotanti ex equitate
debitur salarium , necnon alimen-
ta , & expensa moderate ad ejus
curationem .*

IX. *Num Capellanus per breve tempus
agrotans teneatur per alium cele-
brare ? Et quodnam dicatur bre-
ve tempus ?*

X. *Secundum se qui pluribus locatope-
ram suam in solidum , potest a fa-
gulis integrum stipendium accipi-
re .*

I. *C*ertum est , famulis , aliisque Of-
ficialibus stipendium iustum es-
se solendum , modo fideliter labora-
verint , saltē infra infimam laboris
debiti latitudinem ; aliter non solum
tenantur restituere stipendium pro ra-
ta laboris omissi , sed etiam lucrum
cessans , & damnum inde emergens
domino . Pretium autem famulorum
illud dicitur esse iustum , quod passim
dari solet hujusmodi operariis , itaut
non sit minus infimo , nec majus sum-
mo : Quare , ut notat Trull. dub. 5. ,
stipendium iustum dici debet , quan-
do tantum est , quantum alii recipiunt ,
vel quando non desunt multi alii , qui
codem pretio inservirent , vel quando
conventum fuit solum de tanto pre-
cio .

Ubi notat Filliuc. tract. 36. cap. 6. ,
quod aliquando multis laboribus po-
erit esse proportionatum parvum sti-
pendium , si cum eo conjungantur alii
honores , & emolumenta .

II. Notat etiam Filliuc. tract. 30.
cap. 3. apud Trull. dub. 5. , quod fa-
mulus prestans obsequio expendens &
liquid animo liberali , aut ex charita-
te , & pietate in negotio alterius ge-
rendo , non possit deinde mutata vo-
luntate aliquid exigere , aut occule
compensare , cum non possimus repe-
tere , quod jam donavimus ; quamvis
re integra posit mutare voluntatem
& vel-

& velle propter pretium id facere,
& non animo liberali.

III. Certum videtur secundo ex Laym., & Trull., quod si conductor non egeat opera alterius, sed solum ex misericordia exoratus ipsum conducat, tunc satis sit illi alimenta dare; Si vero dominus vere eget illius opera, aut magnam inde habet utilitatem, tenetur pro illa dare pretium justum saltem infimum; quia ille non intendit donare, sed vendere, quamvis ratione spontaneæ oblationis possit aliquid decrescere ab infimo pretio, cum merces ultroneæ vilescant.

IV. Certum est tertio, quod pueris honorariis, qui vulgo *Paggi* dicuntur, quando nullum stipendium taxatum est nec expresse, nec tacite, censetur competens retributio esse victus, & vestitus, ac bona educatio secundum statum suum. Solent autem Magnates dictis pueris, & aliis famulis præter sustentationem, in retributio nem obsequiorum tribuere deinde illis majorem gradum obsequii, vel constituere aliquod stipendium, vel procurare illis aliquod officium a Principe.

V. Praefules etiam solent remunerari eos, qui in eorum obsequio sunt, beneficiis Ecclesiasticis, vel pensionibus ex gratitudine, non ex iustitia; nam iuxta corum merces solet esse vietus, vestitus, & nonnullis aliquod etiam stipendium certis anni temporibus ad arbitrium domini: Notatque Less. apud Trull., minui aliquando posse justum stipendium, quando famulus illud non exigit, ut hac ratione alliciat dominum ad procurandum aliquod officium, vel beneficium, vel benevolentiam; censetur enim tunc sponte dare. Si tamen intenderet obligare hoc pacto Episcopum ad conferendum sibi beneficium Ecclesiasticum, committeret simoniam, & dominus teneretur defectum stipendiis sup pie.

VI. Quæritur nunc primo: An famuli, qui ob paupertatem coguntur pacisci de pretio injusto, possint uti occulta compensatione, quando non possunt aliter a dominis justum sui famulatus stipendium habere?

Respondeo, nonnullis viis esse id licitum, Primo quia, ut notat Tambur. de Sacrif. Missæ lib. 3. cap. I. §. 3. num. 58., qui ob necessitatem cogitur emere triticum pretio injusto, potest procul dubio se indemnem servare; quia iuste venditor agit, debetque putare, quod ille vere non consentiat tali pretio; ergo etiam famulus, qui cogitur propter necessitatem vendere suum famulatum pretio injusto, poterit se indemnem servare; nam posito, quod dominus voluit emere famulatum, se implicite ad premium justum obligavit. Secundo, Suarde Sacr. disp. 86. sect. 4. apud eundem Tambur. num. 51. putat, quod si Sacerdos paupertate coactus acceptavit pro tenui stipe missam celebrare, possit ab injusto pacto resilire, & se indemnem servare; ergo etiam in casu nostro. Tertio, ut docet Lugde Just. disp. 16. sect. 4. num. 82. sicut qui necessitate ductus petit mutuum promittendo usuras, non tenetur ex iustitia propter fraudulentam istam promissionem usuras solvere, eo quod ex vi contractus mutui, quem libere vult inire mutuator, non habet ius ad usuras: Et eodem modo, qui ex necessitate cogitur vendere triticum infra premium jultum, potest servare se indemnem; quia ex vi contractus emptionis implicite se obligat emptor ad premium justum; ergo idem dicendum in contractu conductionis, ut si famulus ob paupertatem velit operam suam locare infra premium justum, possit se servare indemnem.

Verum quamvis talis compensatio licita sit, quando per vim, aut dolum coguntur famuli injusto pretio inservire,

re,

re, ut communiter Doctores docent; non tamen quando sponte contrahunt; Unde damnata est prop. 37. ab Innoc. XI. dicens: *Famuli, & famula domes-tica possunt occulte heris suis surripere ad compensandam operam suam, quam maiorem judicant salario, quod recipiunt.* Ratio est, quia, ut notat Vil-lalob. apud Dian. part. 2. tract. 6. resol. 16., & Tambur. loc. cit., dominus facile in tanta multitudine famu-lorum alios reperisset, qui propter idem pretium inservirent; unde famu-lus, qui fingit se consentire in pretio, quod judicat minus justo, decipit do-minum, & cum hac deceptione est causa injusta damni, quod ille patitur per occultam istam compensationem, quæ non fieret ab alio servo.

Bene tamen advertit hic Carden. , & Puent. Hurtad. (ut fuisus dixi in Trutina Theologica hanc thesim exponendo,) quod licita sit compensa-tio sub circumstantiis suis, non solum quando dominus cogit ad inservien-dum, minuendo de pretio justo, aut quando non solvit, quod tenetur ex pacto, sed etiam quando judicio Con-fessarii, aut alterius non quomodo-cumque docti, sed valde periti (cum in ea re non quilibet possit justitiam pretii dijudicare,) perspicuum est, pretium esse injustum, solum enim Pontifex contendit non esse licitam compensationem per hoc, quod ipse famulus ferat judicium probabile de in-justitia pretii.

Hinc patet ad rationes in contra-rium adductas; Immo paritas mutui adducta a Delugo retorquetur; Nam sicuti si tu promittendo usuras ita decipis mutuantem, ut sis causa injusta damni (quod forte patitur per mutua-tionem) aut cessationis lucri, certe teneris tale damnum emergens, aut lu-crum cessans compensare: Eodemque modo qui necessitate, & paupertate coactus cogitur vendere infra justum

pretium, non potest se servare indi-minem, quando ex hac deceptione est causa cur dominus damnum aliquod patiatur, videlicet quia si non emeret a te pretio hoc, facile ab alio habe-ret, qui vel donaret, vel venderet eo-dem pretio rogando; in quo casu pre-tium justum esset minus, cum merces ultroneæ vilescant: Ergo idem dicendu-m in conductione. Si tamen domi-nus ab aliis eundem famulatum habe-ret minori pretio, etiam injusto, eo quod vel illos cogeret, vel illi etiam ne-cessitate cogerentur, recurrat doctri-na superius data a Puente Hurtado, & Carden., quod tunc sit licita com-pensatio, quando judicio aliorum val-de doctorum perspicuum est pretium esse injustum. Quod etiam dicendum quando quis necessitate ductus cogitur vendere pretio infra justum. Facile tamen accidit in tanta famulorum copia, ut a dominis reperiantur famuli, qui rogent, ut in servitatem admittantur; in quo casu licet dominus te-neat illis pretium justum dare, at quia famuli rogan, ideo pretium famu-latus vilescit.

Quando autem famulus roga domi-num, ut emat suum famulatum, (quo forte non indiget,) eo quod non pos-sit facile alium dominum reperire, tunc si consentiat in pretium, quod esset justum rogantibus, non poterit petere pretium, quod est justum relate ad non rogantes; Siquidem per decep-tiōnem esset causa injusta damni domi-ni. Exemplificemus; Sit pretium infi-mum justum famulorum decem, si fa-mulus consentiat in septem, non pot-erit alia tria compensare. Ratio est, quia dominus facile in tanta famulo-rum copia habet alios, qui rogan pro septem famulari; in quo casu justum esset tale pretium relate ad hos rogan-tes, juxta sententiam illam, quod mer-ces ultroneæ vilescant saltem pro tertia parte, & juxta nonnullos etiam pro me-

mediatae: ergo non poterit amplius quam septem talis famulus exigere; quia quamvis pretium justum relate ad eos, qui non rogant, sit decem, tamen dum famulus consentit in septem animo compensandi alia tria, decipit dominum, & est causa injusta illius danni, quod patitur: Et idem dicendum erit de emente, & vendente, & de offerente sacrificium pro tenui stipe, si eodem modo fuerint causa injusta damni per deceptionem.

VII. Cæterum communis sententia Doctorum apud Dian. part. 2. tract. 14. resol. 7. est, quod qui ob tenuem stipem promisit totam missam applicare, non possit pro eadem quicquam ab alio accipere; præsertim post decreta Sacra Congregationis Concilii apud Tambur. lib. 3. de Sacrif. Missæ cap. 1. num. 8., in quo hæc habentur; *Ubi pro pluribus missis plura stipendia quantumcunque incongrua, & exigua collata fuerunt, Sacra Congregatio sub obiectione Divini Judicij mandat, ut absolute tot missæ celebrentur, quot ad rationem attributa eleemosyna prescripta fuerint; aliter graviter peccant, & ad restitutionem tenentur.* Non me latet, quod hoc decretum nitatur interpretari Puente Hurtadus in expositione propos. 37. ab Innoc. XI. damnata; ubi docet id non intelligi, quando necessitate compulsus cogitur Sacerdos modo dicto pro tenui stipe missam celebrare; Et idem docet Peyrin. apud Dian. part. 5. tract. 13. resol. 52.; Evidem tamen cum eodem Dian. huic opinioni non subscribe; cum decretum loquatur absolute, & juxta eam sententiam plurima incommoda facile sequuntur adversus animas in igne Purgatorii conflagrantes.

VIII. Quæritur secundo: An famulo debeantur alimenta, & merces tempore ægritudinis?

Respondeo, communius docere cum Bonac., Rebel. contra Molin., & Laym.

apud Dian. part. 1. tract. 8. resol. 86., quod non teneatur dominus solvere salarium famulo ægrotanti; nisi sit consuetudo alicubi in contrarium, & nisi sit in extrema, vel gravi necessitate; in quo casu tenetur tantum ex charitate. Ratio est, quia per famulum stat quominus operam suam præstet; Et quamvis in hoc culpam non habeat, tamen vere deficit in iis, ad quæ tenetur, præstandis: Ex æquitate tamen per modicum tempus, videlicet si per unam, aut alteram hebdomadam ægrotet, videtur salarium deberi; ut putat Trull. lib. 4. cap. 1. dub. 5., Sylvest., Bonac., Quod dixinus de salario, dicendum etiam de alimentis, & de expensis etiam moderatis ad curationem necessariis, ut notat Hurtad. hic difficult. 8.; nullo enim titulo debentur ex justitia, ut docet Bonac. & Reb. contra Vasqu., Sylvest., & Covarr.

IX. Cappellanus etiam ægrotans per aliquot dies non tenetur per alium celebrare; ut videtur est apud Summam Dian. V. Missæ stipendum; ubi Riccius putat, id esse verum si tantum per octo, vel decem dies ægrotet, Mendoza per mensem, Peyrin. per bimestre, quia hoc videtur stipendium breve relate ad annum.

X. Quæritur tertio: An qui pluribus in solidum locat operam suam, possit a singulis integrum stipendum accipere?

Respondeo cum communi affirmative; quando scilicet opera locata omnibus, & singulis est æque utilis, ac si esset pro uno dumtaxat præstata. Ratio est, quia qui Romam, verbi gratia, proficiuntur propter proprium negotium, potest etiam ire propter negotium Titii, exigendo ab illo pretium, perinde ac si tantum propter Titium iret, ut communiter Doctores docent; ergo etiam qui proficiuntur Romam propter negotium Titii, a quo accipit pretium, potest etiam ire propter

pter negotium Caji, & itidem a Cajo aliud simile pretium exigere; quia va-
lor profectus non minuitur per hoc,
quod pluribus sit proficuus: Sic qui
profectus Romam indiget equo, si
inveniat equum reductivum, potest
pro illo reducendo pretium exigere,
ut omnes etiam Doctores docent; er-
go etiam in casu nostro locans ope-
ram suam pluribus in solidum singu-
lis aequa utilem, ac si pro illo solo lo-
caretur, potest a singulis integrum sti-
pendium accipere.

Notandum tamen cum Hurtad. diff.
9., hoc non militare, quando ad vi-
tandam injustitiam locatoris taxatum sit
stipendium operæ locatae; tunc enim
illi stipendio rationabiliter taxato stan-
dum est, sive opera sit proficia uni,
sive pluribus.

XI. Utrum autem Sacerdoti, qui te-
netur dicere Missam pro sola præsen-
tia, ut ajunt, liceat unum stipendium
accipere pro præsenti, & alterum
pro applicatione Missæ? Negant Ga-
vant., & Barbos. apud Tambur. de
Sacrif. Missæ lib. 3. cap. 1. §. 3. num.
14., tum quia Sacra Congregatio sub
obtestatione Divini Judicii præcipit,
ut pro singulis Missis singula stipendia
accipientur; tum etiam quia, ut no-

tat Dian. part. 5. tract. 14. resol. 33;
ex Rodriq. in tali casu stipendium,
quod acciperetur pro applicanda Mis-
sa, videretur accipi pro re spirituali;
atque adeo simoniace. Sed, ut nota-
vimus in Trutina Theologica exponen-
do thesim octavam ab Alex. VII. pro-
scriptam, probabile est id licere (ut
docent Suar. disp. 86. sect. 5., Vasq.,
& Lug. disp. 21. de Euchar. num. 21.,
qui scripsit post laudatum decretum,) dummodo constet, quod offerens sti-
pendium pro officiatura solum exigit
præsentiam, sive ob concursum popu-
li, sive ut speciali honore talis locus
afficiatur. In hoc enim casu unum sti-
pendium accipitur pro labore extrin-
seco Missæ, ut scilicet Missa in tali lo-
co, & tempore celebretur, alterum pro
Missæ applicatione, quando libe-
rum est Sacerdoti Missam, cui maluer-
it, applicare. In dubio tamen an of-
ferens stipendium velit utrumque, vi-
delicet & præsentiam, & applicatio-
nem, nequit duplex stipendium acci-
pi, ut docent communius contra Mar-
chin. apud eundem Tambur. num. 19.
Nec accipitur simoniace stipendium
pro Missæ applicatione, quia accipitur
ob sacrificantis sustentationem, ut ex-
plicavimus loco laudato.

Q U Ä S T I O VIII.

De Promissione, & Donatione.

QUærendum primo, Quid ferant isti Contractus? Secundo, Quando ob-
ligent, & quomodo? Tertio, Quinam, & quantum donare possint?
Quarto, Quandonam possit revocari Donatio?

A R T I C . I.

Quid importet Promissio, & Donatio?

**I. Promissio est spontanea, vera, ac de-
liberata fidei obligatio de re bona.**

& possibili.

**II. Promissio prodiga etiam iurata non
obligat, si ejus executio sit illicita;**
**Quod si executio sit licita, proba-
biliter obligat solum ad quantita-
tem, in qua nulla est prodigalitas.**

III.